

Na osnovu člana 13.stav 2. alineja 9. Zakona o principima lokalne samouprave u Federaciji BiH („Službene novine F BiH“, broj:49/06) i člana 24. Statuta općine Hadžići („Sl. novine Kantona Sarajevo“, broj:15/09) Općinsko vijeće Hadžići na 5. sjednici održanoj dana 28.03.2013. godine, donosi

O D L U K U

o održavanju izbora za Savjete mjesnih zajednica sa područja Općine Hadžići

Član 1.

Ovom Odlukom obavezuju se mjesne zajednice sa područja općine Hadžići da u skladu sa Statutom Općine i Statutom mjesnih zajednica, te u skladu sa Zaključkom Općinskog vijeća sa Druge sjednice održane 27.12.2012. godine provedu izbore za savjete sljedećih mjesnih zajednica:

Hadžići, Žunovnica, Binježevo, Donji Hadžići, Grivići, Drozgoetva, Mokrine, Miševići, Lokve, Pazarić, Osenik, Tarčin, Luke, Raštelica, Duranovići, Budmolići i Trzanj.

Član 2.

Izbori za Savjete mjesnih zajednica održat će se u periodu od 06. maja do 20. maja 2013. godine.

Član 3.

Izborne aktivnosti iz člana 1. ove Odluke obavezni su sprovesti dosadašnji Savjeti mjesnih zajednica u saradnji sa Općinskom službom za razvoj, stambeno komunalne poslove i mjesne zajednice, Komisijom općinskog vijeća Hadžići za poslove mjesnih zajednica i Općinska izborna komisija.

Općinska služba za razvoj, stambeno komunalne poslove i mjesne zajednice podnijet će izvještaj o provedenim izborima u mjesnim zajednicama Općinskom vijeću Hadžići, po završetku izbora.

Općinsko vijeće Hadžići verifikovat će rezultate izbora po usvajanju izvještaja o provedenim izborima.

Član 4.

Ova Odluka stupa na snagu danom objavljivanja na Oglasnoj ploči Općine Hadžići, a naknadno će se objaviti u „Službenim novinama Kantona Sarajevo“.

Broj: 01-01-2-3022/2013.
Hadžići, 28.03.2013. godine

Predsjedavajući
Općinskog vijeća Hadžići

Proha Adnan

O b r a z l o ž e n j e

I - Pravni osnov

Pravni osnov za donošenje odluke o održavanju izbora za Savjete mjesnih zajednica sa područja Općine Hadžići sadržan je kako u odredbama člana 13. Zakona o principima lokalne samouprave Federacije BiH po kojim Općinsko vijeće ima ovlaštenje da donosi odluke o organizaciji mjesne samouprave.

II - Razlozi donošenja

Obzirom da je mandat Savjeta mjesnih zajednica istekao te je Zaključkom Općinskog vijeća Hadžići sa druge sjednice vijeća održane 27.12.2012.godine utvrđen datum održavanja izbora u mjesnim zajednicama ukazala se potreba donošenja ovakve odluke.

III - Objašnjenje pojedinih odredbi

Odredbama 2. i 3. ove odluke određen je krajnji rok za sprovođenje izbora kao aktivnosti i zaduženja za njenu realizaciju.

IV- Sredstva za provođenje odluke

Provođenje izbora ne zahtjeva značajnija finansijska sredstva. Potrebni nivo finansiranja osiguran je u Budžetu općine Hadžići.